

惻隱而散禍以消災今若人虔依道典恭按
仙科備香燈供養之儀布神聖威嚴之像志
心歸命伏願神靈普濟天德均齊闡慈悲善
利之心賜延壽康寧之慶稽首歸依虔誠讚
詠

乃神乃聖乃武乃文功勳昭著司命司真
為民致福度厄消迤恩沾宅宇德被咸均
嚴恭寅敬如谷應聲消災降福善及家庭

臣眾等志心歸命某神

伏以天位居高神心善應聯司下土之權令
東上天之命凡伸祈禱必賜感通仰依覆載
之仁丕錫包荒之賜今某人五體叩陳一心
歸命備陳淨供羅列香燈志心歸命某神伏
願德洽無方恩霑罔極保全大有覆護羣生
保祿壽以繁昌滋福基而永固稽首歸依虔
誠讚詠

聰明正直神聖威靈上佐天命下滅妖精
覆護羣品昌熾功勳有求皆應威德無垠
消災降福恩及人民

臣眾等志心歸命某神

伏以天生萬物咸依長育之功人事百端皆
託至神之祐凡遂一身之飽暖悉由眾聖之
陶鑄極感玄恩宜多受賜是以按一心之恭
敬邀至聖之尊嚴俯露丹誠仰酬素念今某
人謹依科式備列香燈志心歸命眾神伏願

神力默扶聖恩廣洽四季保家庭之清吉每
年俾老幼以安寧祿壽增崇善芽長茂稽首
歸依虔誠讚詠

至神至聖惟德惟馨上奉帝命守護萬民
却邪立正救濟含生四時順度以保時豐
消災降福內外皆同

諷經 向來 回向

萬靈燈儀終

五顯靈觀大帝燈儀

法事如式 啓白

焚香供養都天威猛大元帥顯聰昭應孚仁
廣濟王橫天都部大元帥顯明昭烈孚義廣
佑王通天金目大元帥顯正招順孚智廣惠

王飛天風火大元帥顯直昭佑孚信廣澤王
丹天降魔大元帥顯德昭利孚愛廣成王助
靈史相公助順卞相公翊應周將軍王念二
總管黃王二太尉今狐寺丞善慶童子土地
真官直日功曹後宮仙源聖眷靈順法部侍

從威靈悉運真香普同供養
切以聰明為聖常顯跡於人間正直乃神屢
彰名於世代啟五通之神殿決六蔽之昏衢
天地風火水之間通達無礙仁義智信愛之
聖惠澤旁施冀含識之回光遂知機而見曉

欽慕昭昭之景宏演燈儀苟馳効効之誠旋
垂鑑映凡於動靜皆賴護持遙瞻烜赫之容
控露歸依之悃仰祈法駕俯鑒精衷今某猥
處人倫遵承科教既沐覆全之德敢忘資奉
之恭敬選良辰肅陳陳淨供伏願銀缸煥爛門

之恭敬選良辰肅陳陳淨供伏願銀缸煥爛門

庭從此以光輝寶炷氤氳春愛永諧於康泰

臣眾等志心歸命都天威猛大元帥顯聰

昭應孚仁廣濟王

伏以聰明不詭賞罰不失於毫釐仁澤於民

功過無分於纖芥上通天闕下入寒泉昭然

賜福於塵區穆若護持於黎庶九州所重四

海歸依作善者享福無邊積惡者貽災有自

應如谷裏驗若形聲今其夙奉慈容常臻教

典聊陳菲薦庸寓髮忱伏願神馭來臨密賜

純禧之祐靈威降鑒益施長養之仁宗緒昌

隆門庭清穆稽首皈依虔誠讚詠

靈觀大帝 神德尊神 玉通賢聖 廣濟皇民

救災禦患 大布威靈 願垂降鑒 永錫康榮

臣眾等志心歸命橫天都部大元帥顯明

昭烈孚義廣佑王

伏以明而不惑仰瞻穆穆之容赫爾崇高佇

想巍巍之德每推恩而及物常以善而化人

慈悲普度於群生威力廣行於三界示作善

降祥之美靈為愆釀惡之因凡露禱祈必蒙

感應今某稟生愚昧寄跡塵凡虔備香燈用

延儀像伏願廓開昏翳光明散釋於災迤大

布慈恩煙竊噴騰於和氣尊卑均慶頂踵沾

恩稽首皈依虔誠讚詠

顯明大聖 昭烈威王 賞善罰惡 孚佑吾皇

靈通貫斗 氣蓋八方 願垂景貺 當啟福祥

臣眾等志心歸命通天金目大元帥顯正

昭順孚智廣惠王

伏以正則不邪嘗施恩而有物禱而有應每

惠澤以臨民奇謀秘計以為心撫恤寬容而

闡事號令如法公平是依乃聖乃神賞罰無

遺於咫尺或文或武威靈有賴於提挈今古

攸遵吉凶昭顯今某志嚴圖像願歛神儀擬

伸懇切之誠肅恭醮修之會伏願或商或賈

皆成富積之家為仕為師早遂貴登之志門

闡清吉春屬康寧稽首皈依虔誠讚詠

顯正大聖 昭順靈神 智畧才辯 廣惠人民

兩寶濟之 施德推仁 勞籠群品 鼓舞萬倫

臣眾等志心歸命飛天風火大元帥顯直

昭佑孚信廣澤王

伏以直而不屈作前代之忠神信而不詭為

今時之靈聖潤飾國土涵養黔黎威布三天

功高六合敬之如在自然禍滅福生禱之有

通必得凶消吉至凡託悛懺之庇俱叨利濟

之恩意啓一誠命延百福今其洗心滌慮修

德省躬然燦爛之銀缸藝茶芳之寶篆仰瞻

神馭昭格愚衷伏願在公在私時有亨嘉之

慶守官守職日無言責之聞壽紀增隆身躬

康泰稽首皈依虔誠讚詠

顯直昭佑 廣澤聖王 施恩布德 萬物棋祥

何災不滅 何福不昌 願回景貺 四序攸康

臣眾等志心歸命丹天降魔大元帥顯德

昭利孚愛廣成王

伏以德素推於萬象利物愛民恩溥及於群

生錫災御禍談笑兮神風靜默優游兮海宇

澄清金殿玉堂隱映德姿靈峙雕輪寶馬雍

容慈貌神儀手執金磚足踏火輦每降祥而

旌德或暴禍以彰威既闡神通合伸歸嚮今

某切居下土生在中華歲時永賴於陶成晝

夜由資於洪覆輒伸蟻素仰答鴻休伏願鶴

駕翩跹星駟翼自專及幼常居寧謐之鄉

內戚外親永獲平康之運稽首皈依虔誠讚

顯德昭利享愛廣成安民濟物素德推仁
若有投懇修奉安寧虔誠奉請五福來并

諷經 向來 回向

五顯靈觀大帝燈儀終

二燈儀同卷

土司燈儀

東廚司命燈儀

為四

土司燈儀

法事如式

伏聞一元初判二炁攸分幹四序以成功莫
八方而定位仰布經躡之次俯均分野之私
有生成賴於洪鈞無物不資於大造惟人之
貴實位平中凡居起處之間悉荷乾坤之賜
重嗟庸昧動積過愆自離穴處以巢居作於
上棟而下宇鑿東運土肆興作犯於方隅架
拱飛梁每有悞干於禁忌或日時之不利適
年月之未宜謀非龜筮之徒辭用師巫之矯
較於幽顯盡屬愆尤而況太歲尊神土司禁
忌總權禍福經制方隅隨六甲以遷移屬七
星而幹運凡居造作致犯方隅賴其教有金
科經存玉軸昧之者災興吉散修之者禍滅
福生以今某人爰於住舍造作不時動土役

工實有悞干於禁忌塔基闕址寧無冒犯於
天星謹擇良辰恭修淨供經開雲篆祈禱
以潛消科演琅函迎眾具之來格伏望為祥
為瑞集百福於門闌無害無災殄千殃於眷
屬祛余寇盜悉滅火殃稽首歸依虔誠讚詠

巨眾等志心歸命東方震宮大聖三綠星
君

伏聞震乃三陽之首位居四序之端在八卦
以為先處六甲而為長能甲能折今庶物之
蕃鮮以懼以競使兆民而修省資興造化垂
象發生凡有修營慮多觸犯以今某人備嚴
醮典首謝真靈謹依科式建立星壇備香花
供養之儀至心歸命東方震宮大聖三綠星
君伏願具仙降佑眾聖垂慈獨消作犯之愆
尤由賜休祥之慶瑞門庭肅穆長幼諧和祈
壽算以彌昌增福基而永固稽首歸依虔誠
讚詠
大道著明 寂默玄真 五斗中運 五行生成
北都萬鬼 過人年齡 我有神章 度世長存
供養尊禮 主人精神 玄之又玄 嵯峨玉京